



Adresseliste

Vår dato: 13 NOV. 2013

Vår ref.: NVE 201301425-2 kv/mgv

Arkiv: 312

Dykkar dato:

Dykkar ref.:

Sakshandsamar:

MagneGeir Verlo (mgv@nve.no)

22 95 95 34

Statkraft Energi

Høyring av søknad om konsesjon for bygging av Isdal pumpe og kraftverk i Isdøla – Eidfjord kommune - Hordaland

NVE har motteke søknad frå Statkraft Energi om konsesjon til bygging av Isdal pumpe og kraftverk i Isdøla.

Isdøla er eit sidevassdrag til Bjoreio, og øvre deler av nedbørfeltet vert gjennom eit bekkeinntak i Kleivane teke inn på overføringstunnelen mellom Sysenvatn og Rembesdalsvatn. Søknaden omfattar samlokalisering av pumpe og kraftverk i nordenden av Isdalsvatnet der formålet er å pumpe deler av tilsiget til Isdalsvatnet opp i overføringstunnelen i periodar av året. Utanom pumpeperiodane vil vatnet som vert sleppt frå bekkeinntaket i Kleivane bli utnytta i kraftverket ved Isdalsvatnet. Det er utrekna ein årleg samla netto energigjevinst på 18,7 GWh der 4,4 GWh vert innvunne i Isdal kraftverk og resten i Sy-Sima kraftverk, som har inntak i Rembesdalsvatnet. Produsert energi frå Isdal kraftverk vert overført til eksisterande 22-kV kraftlinje like ved det ny kraftverket.

For ytterlegare utgreiing om tiltaket vert det synt til søknaden og konsekvensvurderinga. For ordens skuld vert det gjort merksam på at opphavleg var det planlagt overføring av elva Tysviko til Isdalsvatnet, men dette er teke ut av prosjektet. Det som er nemnt om Tysviko i konsekvensvurderinga er såleis ikkje lenger relevant for omsøkte prosjekt..

Søknaden gjeld konsesjon etter vassdragsreguleringslova § 2 og vert handsama etter reglane i vassdragsreguleringslova § 6. Den blir kunngjort av NVE, og kopi av kunngjeringa følgjer vedlagt. Det er vidare søkt om løyve etter energilova for elektriske anlegg knytt til pumpe og kraftverk. Endeleg er det søkt om løyve etter oreigningslova for areal og rettar det eventuelt ikkje vert oppnådd minneleg avtale om.

Søknaden med konsekvensvurdering er tilgjengelege på internettsida til NVE: www.nve.no/Vannkraft. Om høyringspartane ønskjer ein papirversjon av søknaden med fagrapportar kan dei kontakte Statkraft Energi v/Rolf Y. Jenssen pr. e-post: rolf.jenssen@statkraft.com eller tlf 53 67 30 60.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest

Naustdalsvn. 1B
Postboks 53
6801 FØRDE

Region Øst

Vangsveien 73
Postboks 4223
2307 HAMAR

Vi viser ellers til vedlagt informasjonsark som forklarer sakshandsaminga frå søknaden blir sendt på høyring og fram til endeleg vedtak. Av dette går det fram kva vi ønskjer tilbakemelding på.

Vi bed Eidfjord kommune om å kunngjere saka på sine heimesider, og leggje to eksemplar av søknaden med konsekvensvurdering ut til offentleg gjennomsyn i kommunehuset fram til **25. februar 2014**. Det eine eksemplaret kan om naudsynt lånast ut for kortare tid (2- 3 dagar). Det andre må ikkje fjernast frå utleggingsstaden.

Fråsegner kan sendast enten via internett www.nve.no/Vannkraft, eller nve@nve.no eller i brev til NVE-Konsesjonsavdelinga, Postboks 5091 Majorstua, 0301 Oslo, så snart som mogeleg og seinast **25.02.2014**.

Fråsegner eller delar av fråsegner vil bli referert i innstillinga i saka frå NVE til Olje- og energidepartementet (OED). Om fråsegna er lang, er det difor ein fordel om det er utarbeidd eit samandrag som kan brukast til dette. Fråsegner er offentlege dokument. Sentrale saksdokument blir lagt ut på NVE sine nettsider.

Med helsing

Silje Aukre Solheim
for Carsten Stig Jensen
seksjonssjef

M. Geir Verlo
Magne Geir Verlo
senioringeniør

Vedlegg: Kopi av kunngjering,
Informasjonsark om sakshandsaminga

Kopi u/vedlegg: Statkraft Energi AS, Postboks 200 Lilleaker, 0283 OSLO

Adresseliste for: Statkraft Energi AS - Søknad om bygging av Isdal pumpe og kraftverk – Eidfjord kommune

Handsamast etter: Vassdragsreguleringslova

Blir kunngjort av NVE to gonger i: Hardanger Folkeblad og Avisa Hordaland

Alle på adresselista får kopi av kunngjering

Kopi kunngjering	Tal søknader	
x	3	Eidfjord kommune, Simadalsvn 1, 5783 Eidfjord
x		Fylkesmannen i Hordaland, Postboks 7310, 5020 Bergen
x		Hordaland fylkeskommune, Postboks 7900, 5020 Bergen
x		Vannregion Hordaland. Postboks 7900, 5020 Bergen
x		Olje- og energidepartementet, Postboks 8148 Dep, 0033 Oslo (<u>til orientering</u>)
x		Statens landbruksforvaltning, Postboks 8140 Dep, 0033 Oslo (<u>til orientering</u>)
x		Mattilsynet Hordaland og Sogn og Fjordane, Postboks 383, 2301 Brumunddal,
x		Miljødirektoratet, Postboks 5672 Sluppen, 7485 Trondheim
x		Norges geologiske undersøkelser, Postboks 6315 Sluppen 7491 Trondheim
x		Direktoratet for mineralforvaltning, Postboks 3021 Lade, 7441 Trondheim
x		Statens vegvesen Region Vest, Askedalen 4, 6863 Leikanger
x		Forum for natur og friluftsliv Hordaland, Tverrgt 4/6, 5017 Bergen
x		Naturvernforbundet Bergen og Hordaland, Postboks 1201 Sentrum, 5811 Bergen
x		Bergen Turlag, Tverrgt 4/6, 5017 Bergen
x		NJFF Hordaland, Tverrgt 4/6, 5017 Bergen
x		Norsk Ornitologisk Forening Hordaland, Postboks 280, 5751 Odda
x		Villreinnemnda for Hardangerviddaområdet, Sentrum 20, 3630 Rødberg
x		Norges Lakseelver, Postboks 9354 Grønland, 0135 Oslo
x		Norges Bondelag, Postboks 9354 Grønland, 0135 Oslo
x		NHO Reiseliv Hordaland, Postboks 5250 Majorstuen, 0303 Oslo
x		Hardanger Energi, Postboks 33, 5782 Kinsarvik
x		Statnett, Postboks 5192 Majorstuen, 0302 OSLO

Vedlegg

Norges vassdrags- og energidirektorat kunngjer

Søknad om bygging av Isdal pumpe og kraftverk i Eidfjord kommune

Statkraft Energi AS har utarbeidd søknad om konsesjon for bygging av Isdal pumpe og kraftverk i Isdøla i Eidfjord kommune.

Søknaden gjeld tiltak i vassdrag som er påverka av tidlegare kraftutbygging i Eidfjord, og omfattar bygging og samlokalisering av Isdal pumpe og kraftverk i nordenden av Isdalsvatnet. Formålet er å pumpe deler av tilsiget til Isdalsvatnet opp i eksisterande overføringstunnel mellom Sysenvatn og Rembesdalsvatn i periodar av året. Utanom pumpeperiodane vil vatnet som vert sleppt frå bekkeinntaket i Kleivane bli utnytta i kraftverket ved Isdalsvatnet. Det er utrekna ein årleg samla netto energiproduksjon på 18,7 GWh der om lag 4,4 GWh vert innvunne i Isdal kraftverk og resten i Sy-Sima kraftverk. Produsert energi i Isdal kraftverk vert kopla til eksisterande kraftlinje like ved kraftstasjonen.

Søknaden gjeld konsesjon etter vassdragsreguleringslova § 2 og blir handsama etter § 6 i same lov. I tillegg omfattar søknaden løyve etter energilova for elektriske anlegg og løyve etter oreigningslova for areal og rettar det eventuelt ikkje vert oppnådd minneleg avtale om.

Søknaden med rapport om konsekvensvurdering er tilgjengeleg på www.nve.no/vannkraft og er lagt ut til offentleg gjennomsyn i kommunehuset i Eidfjord fram til 25.02.2014. Den kan også sjåast hos Statkraft Energi i Eidfjord.

Om ønskjeleg kan ein få papirversjon av søknaden ved å kontakte Statkraft Energi v/Rolf Y. Jenssen pr. e-post: rolf.jenssen@statkraft.com eller tlf 53 67 30 60 / 24 06 70 00.

Merknader skal sendast, gjerne via internett www.nve.no/vannkraft, eller pr. e-post til nve@nve.no eller i brev til NVE - Konsesjonsavdelinga, Postboks 5091 Majorstua, 0301 OSLO så snart som mogeleg og seinast innan **25. februar 2014**.



SAKSHANDSAMINGSRUTINAR VED SØKNAD ETTER VASSDRAGS- REGULERINGSLOVA UTAN KONSEKVENSUTGREIING

Generelt

Søknaden gjeld eit kraftutbyggingsprosjekt etter vassdragsreguleringslova (reguleringslova). Reguleringar av magasin og overføring av vatn som gir ei kraftauke utover 500 naturhestekrefter (eller 3000 naturhestekrefter i heile vassdraget) blir handsama etter reglane i reguleringslova. Tilleggsoverføringar eller –reguleringar blir handsama etter reguleringslova utan omsyn til storleik. NVE kan ikkje fatte vedtak etter reguleringslova, men skriv tilråding til Olje- og energidepartementet (OED).

Prosjektet fell ikkje inn under reglane i plan- og bygningslova om konsekvensutgreiing.

Vi viser til våre nettsider for meir informasjon:
www.nve.no/vannkraft-ku.

Handsaming av søknaden fram til endeleg avgjerd

NVE sender saka på høyring til dei kommunane, fylkesmenn, fylkeskommunar, statlege forvaltningsorgan og interesseorganisasjonar som saka vedkjem. Høyringsperioden er minst tre månader. Saka blir kunngjort i lokale aviser, finst tilgjengeleg til gjennomlesing i kommunen og kan lastast ned frå NVE sine nettsider.

Etter høyringsperioden får søkjar høve til å kommentere innkomne fråsegner. Når NVE har motteke desse kommentarane vil NVE i mange saker (avhengig av omfanget av saka) invitere til ei synfaring i samarbeid med søkjar. Kommunen, fylkeskommunen, Fylkesmannen og andre partar som saka vedkjem vil få høve til å delta. Under synfaringa er det mogleg å utdjupe aktuelle problemstillingar og å peike på forhold som er teken opp i høyringsrunden.

NVE vil deretter gi si tilråding i saka til OED. Ved ei totalvurdering står NVE fritt til å vurdere om konsesjon skal tilrådest og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE tilrår å gi konsesjon, vil forslag til konsesjonsvilkår og ev. manøvreringsreglement vere lagt ved innstillinga til OED. Vilkåra inneheld reglar om m.a. konsesjonstid, revisjon av vilkår, konsesjonsavgifter til staten og kommunar, konsesjonskraft, godkjenning av detaljplanar for

utbygginga, tersklar, erosjon, naturforvaltning, forureining, kulturminne og sanksjonsreglar ved ev. brot på vilkåra. Ein viktig del av vilkåra er manøvreringsreglementet som gir rammene for konsesjonen, med m.a. reglar for vasslepping og reguleringshøgder.

Departementet sender NVE si tilråding ut på ei avgrensa høyring til dei kommunar og departement som saka vedkjem. Deretter fremjar OED saka for regjeringa som fattar endeleg vedtak.

Dersom det er søkt om løyve etter energilova for elektriske anlegg i kraftverk/høgspennet overføringsanlegg, vil NVE gi nødvendige konsesjonar etter at reguleringslovsaka er endeleg avgjort.

Kva forventast av høyringsinstansane?

Formålet med høyringa er å få synspunkt på dei framlagde planane og alternativa som er presentert, vurdert etter konfliktgrad. Det er ønskeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ønskjer også grunngitte forslag til avbøtande tiltak som kan redusere skadane ved gjennomføring av planane.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av forholdet mellom den omsøkte planen og dei lokale interessene. Dersom søknaden også gjeld løyve til elektriske anlegg, ber vi kommunen uttale seg om dette.

Faginstansar som Fylkesmannen og fylkeskommunen har eit særleg ansvar for å vurdere søknaden i forhold til sine respektive ansvarsområde. Vassregionmyndigheita skal vurdere om dei meiner tiltaket bør vurderast etter vassforskrifta § 12 eller ikkje.

Om mogleg ønskjer vi at fråsegner sendast elektronisk, gjerne direkte via våre nettsider, www.nve.no/vannkraft.

Rett til motsegn

Kommunar, fylkeskommunar, Sametinget og statlege fagetatar kan fremje motsegn. Ei eventuell motsegn må fremjast i høyringsperioden. Vi viser til Rettleiar 3/2010 s. 17 for nærmare informasjon om dette (se www.nve.no/vannkraft-ku).